



Mopani: 22 – 24 Januarie 2010

Mopani

Rietvallei se eerste kamp vir 2010. Almal klink baie lus vir kamp. Daar was 'n hele klompie lede wat nie kon wag tot Vrydag om vir die eerste keer in 2010 te kamp nie en het hulself in die bevoorregte posisie geplaas om vroeër by die kamp op te daag.

Wat 'n heerlike verrassing!! Pragtige groen gras, baie bome en die rustigheid waarna ons almal verlang wanneer ons gaan kamp.

Onder: Fritz hard aan die werk.....dis mos nou die lewe!!!!



Waar staan mens nou as daar so baie plek is om uit te kies? Dis baie interessant om almal wat inkom dop te hou en te kyk hoe hulle besluit waar om te staan. Sommige land op die ou end vol in die son al was daar nog baie skaduwee om van te kies.

Na aanvanklike skrik van berigte Vrydagmiddag oor 'n groot ongeluk 'n paar kilometer vanaf die kamp, het almal gelukkig veilig aangekom. Met 'n spog



Ansie & Anne is hard besig om vakansienuuus uit te ruil

opkoms van 33 waens, waarvan 7 besoekers, het die naweek op 'n "gesels-gesels" noot afgeskop. Dit het meet en pas gekos om almal in te kry, maar met Sawanante kan dit gedoen word.

Vrydagaand is heerlike hamburgers deur die kampkommandante Wim & Margriet vd Berg voorgesit en elkeen kon sy burger met vele inisiatief vir 'n vale pak. Diana se heerlike sous het gesorg dat tot die laaste broodjie en vleispattie verslind is. Baie dankie daarvoor Diana!

Vrydag- en Saterdagaand se boekvat is geleï deur André Fitzgerald asook Sondag se erediens. Sy kitaar het weereens bygedra dat ons baie lekker kon saamsing. (Rudi moenie volgende kamp weer jou kitaar vergeet nie!)

Na Sondagoggend se erediens het ons oudergewoonte bymekaar gekom. Klaus se afkondigings moes vir eers wag aangesien heerlike geure deur die lug getrek

het en almal in groepies ontbyt aanmekaar geslaan het.

Willem & Marnette het almal nuuskierig gehad met hul eie manier van omelette maak. Die monde het behoorlik gewater!! Die awisseling tussen ontbyt tydens afkondigings of koek-en-tee vind byval by almal.

Onder: Willem en sy span wys hoe 'n behoorlike ontbyt voorgesit word.



Die kamp se rustige atmosfeer het bygedra tot 'n heerlike, rustige naweek waar almal gekuier het tot laat om al die vakansienuuus te hoor.

Mopani moet verseker weer op volgende jaar se program verskyn.